



PRIJEDLOG

PROGRAM
UTROŠKA SREDSTAVA - POTICAJ U ZAPOŠLJAVANJU
MLADIH PODUZETNIKA ZA 2020. GODINU

IZRADILA:
Služba za privredu, finansije/financije
i razvoj poduzetništva

Maglaj, mart 2020. godine

PROGRAM
UTROŠKA SREDSTAVA - POTICAJ U ZAPOŠLJAVANJU
MLADIH PODUZETNIKA ZA 2020. GODINU

UVOD

U skladu sa članom 13. Zakona o principima lokalne samouprave u Federaciji BiH („Sl. novine FBiH“, broj: 49/06, 51/09), člana 18. Statuta Općine Maglaj (“Sl. novine Općine Maglaj”, broj: 8/07, 3/08 i 6/08), Budžeta/Proračuna Općine Maglaj za 2020. godinu, i člana 40. Odluke o izvršavanju Budžeta/Proračuna Općine Maglaj za 2020. godinu (“Sl. novine Općine Maglaj”, broj: 11/19), Općinsko vijeće Maglaj donosi Program utroška sredstava - poticaj u zapošljavanju mladih poduzetnika za 2020. godinu sa pozicije ekonomski kod 615211 – Poticaj u zapošljavanju mladih poduzetnika prema javnom pozivu - Start Up.

U Budžetu/Proračunu Općine Maglaj za 2020. godinu na ovoj poziciji predviđeno je 30.000,00 KM za sufinansiranje zapošljavanja mladih poduzetnika u 2020. godini na području općine Maglaj.

Program ima za cilj inicirati višestruke koristi za lokalnu zajednicu:

- promovisati poduzetnički duh,
- poboljšati vještine mladih i nezaposlenih osoba,
- generisati nove poslovne ideje,
- pružiti podršku razvoju novih preduzeća i otvaranju novih radnih mjesta,
- povećati broj novoregistriranih firmi na području općine,
- smanjiti broj nezaposlenih na evidenciji Zavoda za zapošljavanje,
- stvoriti ambijent za razvoj privatnog poduzetništva.

Program odabira kandidata za start-up trening, obuhvata takmičenje u sticanju potrebnih znanja i vještina iz poduzetništva, pisanje vlastitih poslovnih planova i mogućnosti učestvovanja u takmičenju za najbolje poslovne ideje.

Općina Maglaj kao glavni finansijer Projekta osigurala je finansijsku podršku za najbolje ocjenjene takmičare u iznosima od 3.000 do 5.000 KM, u zavisnosti od kvalitete ocjenjenih biznis planova, uz uslov registracije samostalnog biznisa na području općine Maglaj.

I. OPĆI UVJETI

Programom sufinansiranja zapošljavanja u 2020. godini -Projekat „Starter“ 2020 podrazumjeva Start-up trening i uključuje sljedeće:

- Trenere - poslovni savjetnici Odjeljenje za lokalni razvoj, biznis i poduzetništvo (ili certificirana Agencija).
- Mjesto održavanja treninga - Sala Općinskog vijeća Maglaj.
- Jednodnevni ili dvodnevni trening (zavisno od broja prijavljenih kandidata).
- Maksimalno 20 učesnika na treningu.

II. KORISNICI PROGRAMA

Korisnici programa su:

1. Potencijalni mladi poduzetnici (bez obzira na godine starosti).
2. Da se isti nalaze na evidenciji Biroa za zapošljavanje Maglaj (prednost imaju kandidati sa dužim vremenom provedenim na evidenciji nezaposlenih).
3. Da imaju prijavljeno prebivalište na području općine Maglaj.
4. Minimalni nivo obrazovanja – srednja stručna sprema (minimalno III stepen stručne spreme).
5. Kandidatima koji posjeduju želju za pokretanjem samostalnog biznisa.

III. PROVEDBA POSTUPKA SA NAČINOM ISPLATE

Općina Maglaj će u skladu sa planiranim Programom sufinansiranja zapošljavanja za 2020. godinu objaviti Javni poziv za odabir kandidata za start-up trening u okviru Projekta „Starter“ 2020. Rok za prijavu kandidata je 15 dana od dana objavljivanja javnog poziva.

Predmet Javnog poziva je odabir kandidata za start-up trening u okviru Projekta „Starter 2020. – Edukativni program za poboljšanje mogućnosti samozapošljavanja“.

Interes korisnika Projekta je stjecanje novih znanja iz oblasti poduzetništva i pokretanja vlastitih biznisa kroz „Start-up“ shemu, koja bi obuhvatala sljedeće:

1. Jednodnevna ili dvodnevna edukacija „Kako napisati dobar biznis plan“;
2. Javni poziv za dostavu biznis planova (rok za dostavu biznis planova je 15 dana);
3. Formiranje stručne tročlane Komisije za evaluaciju i ocjenu pristiglih prijava po javnom pozivu. Komisiju imenuje Načelnik općine svojim rješenjem, članove komisije čine po jedan predstavnik: resorne općinske Službe, Komisije Općinskog vijeća za privredu, prostorno uređenje, urbanizam i zaštitu okoliša i Privrednog savjeta općine Maglaj;
4. Evaluacija i ocjena pristiglih biznis planova (tročlana Komisija - rok za ocjenu 7 dana);
5. Javna prezentacija svih biznis planova od njihovih aplikantata (u Sali Općine Maglaj pred članovima Komisije i svim prisutnim ostalim aplikantima);
6. Konačna ocjena na evaluatorskim obrascima i konačna rang lista biznis planova (na bazi prosječne ocjene svih članova Komisije);
7. Potpisivanje ugovora o grant pomoći.

Po potpisivanju Ugovora o sufinansiranju samozapošljavanja nezaposlenih lica sa Biroa za zapošljavanje u okviru Projekta „Starter“ 2020. zaključenog između Načelnika općine i korisnika programa slijedi ispunjenje međusobnih obaveza za odobravanje sredstava.

IV. MEDUSOBNE OBAVEZE

Ovim Programom su definisane i međusobne obaveze nosioca i korisnika Programa, i to:

- **Obaveze Korisnika Programa**

1. Korisnik je dužan, u roku od 30 dana od dana zaključenja ugovora, kao uslov za isplatu odobrenih sredstava, Općini dostaviti:
 - rješenje o registraciji obavljanja djelatnosti,
 - uvjerenje o poreskoj registraciji (ID broj),
 - obrazac JS3100,
 - broj računa kod poslovne banke,
 - mjenica
2. Korisnik je saglasan da će najmanje 12 mjeseci od dana odobravanja sredstava imati registrovanu djelatnost koja je predmet ovog ugovora.
3. U slučaju odjave registrovane djelatnosti, Korisnik se obavezuje o tome obavijestiti Općinu 15 dana prije nastupanja te okolnosti i izvršiti povrat uplaćenih sredstava, odnosno Općina će aktivirati mjenicu, srazmjerno neizvršenju ugovorene obaveze.

- **Obaveze Općine**

1. Korisnik sredstava obavezan je u roku od 30 dana od dana potpisivanja Ugovora izvršiti registraciju djelatnosti kod općinske Službe za privredu, finansije/financije i razvoj poduzetništva odnosno kod Općinskog suda Zenica (za d.o.o.).
2. Općina Maglaj se obavezuje Korisniku sredstava isplatiti sredstva u iznosu od 3.000 do 5.000 KM, u zavisnosti od kvalitete biznis plana, najkasnije u roku od 30 dana od dana dostavljanja tražene dokumentacije.
3. U slučaju nepoštivanja ugovorenih obaveza, Općina će pokrenuti postupak raskida ugovora radi povrata uplaćenih sredstava, srazmjerno izvršenju ugovorenih obaveza.
4. Općina će provoditi kontrolu realizacije ugovorenih obaveza, i to: provjerom u bazi podataka PIO/MIO, provjerom statusa finansirane osobe kod nadležnog Biroa za zapošljavanje, a prema potrebi i kontrolom provođenja ugovorenih obaveza kod Korisnika.
5. Ugovor stupa na snagu danom potpisivanja ugovora od strane ugovornih strana.

Služba nadležna za provođenje Programa utroška sredstava - Poticaj u zapošljavanju mladih poduzetnika za 2020. godinu, je Služba za privredu, finansije/financije i razvoj poduzetništva Općine Maglaj.

Broj:
Datum:



NAČELNIK OPĆINE
Mirsad Mahmutagić

Obrazloženje

Općinsko vijeće Maglaj Zaključkom broj: 02-04-1-37-12/20 od 20.02.2020. godine na svojoj 36. redovnoj sjednici prihvatilo je Nacrt Programa utroška sredstava – poticaja u zapošljavanju mladih poduzetnika za 2020. godinu, i istim Nacrt Programa uputilo u javnu raspravu, organizator javne rasprave je Služba za privredu, finansije/finansije i razvoj poduzetništva.

Cilj javne rasprave o Nacrtu Programa utroška sredstava – poticaja u zapošljavanju mladih poduzetnika za 2020. godinu bio je da se doprinese njegovom poboljšanju, kako bi Služba za privredu, finansije/finansije i razvoj poduzetništva kao njegov predlagač, dostavila Općinskom vijeću Maglaj odgovarajući Prijedlog Programa. Poziv za javnu raspravu sa Nacrtom Programa objavljen je 21.02.2020. godine putem RTV Maglaj, web stranice Općine, Oglasne ploče Općine Maglaj i Biroa rada Maglaj. Nacrt Programa je bio dostupan i u Općini Maglaj na prijemnom šalteru Općine i u kancelariji broj 40.

Na Javnu raspravu pozvani su građani i potencijalni mladi poduzetnici, koji se nalaze na evidenciji Biroa za zapošljavanje Maglaj, posjeduju želju za pokretanjem samostalnog biznisa i smatraju da mogu pomoći u procesu davanja primjedbi i prijedloga na Nacrt Programa utroška sredstava – poticaj u zapošljavanju mladih poduzetnika za 2020. godinu.

Javna rasprava održana je dana 11.03.2020. godine sa početkom u 12,00 sati u sali Općinskog vijeća Maglaj (Dom kulture "Edhem Mulabdić"). Na javnu raspravu se odazvalo 2 učesnika, i tokom Javne rasprave prisutnima se pružila mogućnost iznošenja vlastitih mišljenja i stavova u vezi sa predloženim Nacrtom Programa, a sve u cilju što kvalitetnije konačne verzije ovog dokumenta.

Nakon održane Javne rasprave Služba je razmotrila iznesene primjedbe i utvrdila sljedeće: prihvaćene su iznesene sugestije da se ispred Općine Maglaj pošalje dopis Vladi Ze-do kantona i da se zatraži sufinansiranje Programa zapošljavanja mladih poduzetnika u strat-up programu podrške, kao i da se pošalje dopis ambasadama država u BiH, prvenstveno Ambasadi SAD i Ambasadi Švedske u BiH, sa prijedlogom da sufinansiraju Program start-up podrške zapošljavanju mladih poduzetnika u Maglaju. Služba će poslati dopise na Vladu Ze-do i ambasade u toku sedmice.

Takođe, prihvaće su sugestiju i dodana je nova tačku 3. u dijelu III PROVEDBA POSTUPKA SA NAČINOM ISPLATE, i glasi: „3. *Formiranje stručne tročlane Komisije za evaluaciju i ocjenu pristiglih prijava po javnom pozivu. Komisiju imenuje Načelnik općine svojim rješenjem, članove stručne komisije čine po jedan predstavnik: resorne općinske Službe, Komisije za privredu, prostorno uređenje, urbanizam i zaštitu okoliša Općinskog vijeća Maglaj, i Privrednog savjeta općine Maglaj*“, dosadašnja tačka 3. postaje tačka 4., i tako dalje.

Prijedlog *“da se u Prijedlogu Programa utroška sredstava – poticaja u zapošljavanju mladih poduzetnika za 2020. godinu doda poseban stav na kraju, koji bi glasio: Daje se mogućnost svim korisnicima Programa zapošljavanja mladih poduzetnika da i druge godine poslovanja apliciraju na sredstva Budžeta/Proračuna Općine Maglaj u iznosu od 50% odobrenih sredstava u prvoj godini, uz obavezu držanja registrovanog biznisa dodatnih 12 mjeseci, a u cilju dodatne podrške opstojnosti i održivosti biznisa. Uz napomenu: Sredstva za ovu dodatnu podršku Općine će biti planirana u Budžetu/Proračunu Općine Maglaj za 2021. godinu na posebnoj budžetskoj poziciji”*, treba podnijeti kod izrade i usvajanja Budžeta/Proračuna Općine Maglaj za 2021. godinu.

Predlažemo da isti bude razmatran kod izrade i usvajanja Budžeta/Proračuna Općine Maglaj za 2021. godinu kao posebna budžetska pozicija.

Kada bi isto sada uvrstili u ovaj Program podazumjevalo bi da bi trebali dati priliku korisnicima iz 2019. godine a za to nisu planirana sredstva u Budžetu za 2020. godinu.

Prijedlog da se ne navodi maksimalni iznos podrške u Programu bi mogao biti problem ako se npr. na Javni poziv prijave 3 korisnika onda bi morali dati po 10 hiljada KM po korisniku, odnosno da se potroši planirani fond bez obzira koliko bilo prijavljenih korisnika, isti nije mogao biti prihvaćen i ostaje kao i Nacrtu Programa.

Mišljenje Službe je da ipak treba biti gornji maksimalni iznos podrške, a ako bi ostalo sredstva na ovoj poziciji možemo ista koristiti za sufinansiranje ovakvih projekata možda sa USAID-om, CRS-om, UNDP-om ili nekim drugim organizacijama i institucijama.

U skladu sa navedenim Služba za privredu, finansije/finansije i razvoj poduzetništva Općine Maglaj Općinskom vijeću Maglaj dostavlja dokument Prijedloga Programa utroška sredstava - poticaja u zapošljavanju mladih poduzetnika za 2020. godinu.

Obradivač: Ferhat Bradarić

Kontrolor: Senada Alibajraktarević



Služba za privredu, finansije/finansije
i razvoj poduzetništva